



Bosna i Hercegovina
Босна и Херцеговина

Agencija za
identifikacione/identifikacijske
dokumente/isprave, evidenciju i razmjenu
podataka Bosne i Hercegovine



Агенција за
идентификациона документа,
евиденцију и размјену
података Босне и Херцеговине

Broj: 15-03-16-5-20-29/24

Datum: 1.3.2024. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav (2) tačka d) i člana 70. Zakona o javnim nabavkama („Službeni glasnik BiH“, br. 39/14 i 59/22), te člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, br. 56/08) Agencija za identifikaciona dokumenta, evidenciju i razmjenu podataka Bosne i Hercegovine donosi

O D L U K U **o poništenju postupka javne nabavke**

Član 1.

Poništava se postupak javne nabavke **usluga dosertifikacije PKI sistema po eIDAS standardu**, objavljen na Portalu javnih nabavki Bosne i Hercegovine, Obavještenje o nabavci broj 1110-7-2-14-3-39/24 od 7.2.2024. godine, koji je proveden postupkom konkurentskog zahtjeva za dostavljanje ponude.

Član 2.

Ova odluka se dostavlja grupi ponuđača u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon preduzetih aktivnosti, Komisija za provođenje postupka javne nabavke (u daljem tekstu: Komisija) je konstatovala da je rok za prijem ponuda u postupku bio 27.2.2024. godine do 10:00 sati, te da je do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigla jedna (1) ponuda i to grupe ponuđača „THE SIMPLE“ d.o.o. Sarajevo i SIQ Ljubljana, Republika Slovenija. Neblagovremenih ponuda nije bilo.

Komisija je prema uslovima i specifikaciji navedenoj u Tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-20/24 od 27.2.2024. godine, u kojem su detaljno obrazloženi razlozi za poništenje postupka javne nabavke.

U skladu sa navedenim zapisnički je utvrđeno da ponuda grupe ponuđača „THE SIMPLE“ d.o.o. Sarajevo i SIQ Ljubljana, Republika Slovenija nije ispravno zatvorena (zapečaćena ili potpisana na propisan način), ali da se ne radi o takvom nedostatku koji bi *a priori*



proizvodio kao posljedicu isključenje ovog ponuđača iz daljeg razmatranja ponuda, odnosno predmetnog postupka javne nabavke u cjelini.

Dalje je utvrđeno da ponuda ovog ponuđača nije uvezana na propisan način i nije numerisana u skladu sa zahtjevima iz člana 5.1. Tenderske dokumentacije, zbog čega se ponuda ovom ponuđača ocjenjuje nepravilnom u skladu sa članom 2. tačka 1) Zakona o javnim nabavkama i odbacuje.

Po provedenim aktivnostima, Komisija je utvrdila da jedina pristigla ponuda nije prihvatljiva zbog čega je predložila donošenje odluke o poništenju ovog postupka javne nabavke u skladu sa članom 69. stav (2) tačka d) Zakona o javnim nabavkama.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od pet (5) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: Almir Badnjević
дигитално потписано / digitalno potpisano / digitally signed